



# Namatan Short Film Festival 2019

## OL TEMS MO KONDISENS

Ol tems mo kondisens we i stap long pepa ia i aplae long evriwan we i enta long Namatan Short Film Festival 2019. Ol tems mo kondisens ia i krietem wan akrimen bitwin Namatan Short Film Festival Komiti mo man o woman we i mekem film. Ol film i mas folem stret olgeta tems mo kondisens ia blong i save qwalifae blong ol jaj i save jajem.

1. Blong entarem film blong yu long festival ia, yu mas wan residen blong Vanuatu. I no gat eni ristriksen long hamas yia yu mas gat.
2. Wan wan man o woman nomo, o wan grup i save submitim wan film. Sapos wan grup i wantem tekem pat, i mas nomineitem wan Tim Lida.
3. Ol film i mas be submitted long VBTC o Hae Komisen blong Ostrelia bifo **4:30pm long Friday 29 April 2019** wetem entri fom we i komplit gud mo olgeta stret consent foms (luk long point 14). Bae Namatan komiti i no save akseptem ol leit entri.
4. Ol film oli mas kam akording long olgeta spesifikeisens ia: Format – MOV (quicktime) o AVI; Region – PAL; Ratio – 16:9. Ol film i mas kam long hard drive, thumb drive or disc wetem taetol blong film, nem mo kontakt ditel blong film meka long fael taetol wetem lebol long aotsaed.
5. Longwan blong film i mas stap long wan minit kasem seven minit, be i no bitim seven minit (inkludum ol taetol mo kredit).
6. Ol film ia i no mas be advetismen o komisol.
7. Ol film meka i mas mekem film spesifikoli blong festival ia nomo, mo i mas kat insaed unique aetem blong 2019 wei hemi wan **Vanuatu tredisenol basket wei oli wifim long mat or lif**, mo basket ya i mas apea insaed long bodi blong film blong yu (hemi min sei yu no mas putum long taetol blong film o long end credit blong film blong yu). Yu save usum any size Kenu olsem unique aetem blong yu insaed long film blong yu.
8. Ol film ol i mas aknolejem Hae Komisen blong Ostrelia, VBTC, Digicel Vanuatu, Air Vanuatu mo ANZ Bank insaed long ol kredit.
9. Ol film i save stap long eni lanwis. Olgeta film we i no stap long English, wan skript i mas kam wetem film long English blong ol jaj oli save andastandem gud.
10. From we ol film bae i kamaot long pablik wetem ol difren ej grup, ol film we i karem olgeta fasin we i stap daon long pepa ia bae oli diskwalifae:
  - ol swea toktok
  - toktok o fasin we i leftemap fasin blong usum drug o alcohol
  - fasin blong neket
  - toktok o fasin we i leftemap fasin blong violens agenstem ol woman o ol pikinini
  - Fulap violens o blad
  - ol sexuol lanwis mo imej





# Namatan Short Film Festival 2019

## OL TEMS MO KONDISENS

11. Ol piktja long film i mas ol original we hemi blong film meka o hemi no piktja blong difren man o woman.
12. Ol film meka i no mas iusum musik we i no kat raet long hem. Ol musik we film meka i iusum i mas ol originol musik o film meka mas kat wan pemisen long raeting I kam long artist se yu save iusum musik blong hem.
13. Evri perfoma i mas akri se perfomens blong olgeta oli save iusum long film tru long konsent fom we bae wan wan long olgeta bae i saenem. Long olgeta pikinini we yia blong olgeta oli anda 18 yia bae wan parent o kaedien i mas saenem konsent fom blong olgeta. Yu save kolektem konsent fom ia long VBTC o kasem long websaet blong Hae Komisen blong Ostrelia:  
<http://www.vanuatu.highcommission.gov.au/pvla/events.html>.
14. Bae i gat wan panel blong jaj we Namatan Short Film Festival Komiti i jusum, we bae oli jajem ol film. Panel blong ol jaj ia oli no rekwaee blong oli givim rison blong olgeta long desisen we oli tekem folem jajing proses.
15. Bae ol memba blong pablik nao i jusum People's Choice Award folem olgeta votes we pipol oli mekem.
16. Ol praes we bae oli givim bae i go towods wan film, be i no long wan wan man. Blong givimaot praes long olgeta we oli mekem wan film hemi responsibiliti blong Tim Lida we i stap long entri fom.
17. Ol praes we i kamaot oli no save transferem, exjenjem o askem mani from.
18. Namatan Short Film Festival Komiti i gat eksklusiv raet long evri film we hemi kasem long Festival ia, tru long wan Eksklusiv Laesens\*. Raet ia i blong Namatan Short Film Festival Komiti nomo, pablik i no save iusum olgeta film kasem taem we raet ia i finis.
19. Eksklusiv Laesens ia i save janis i go long Non-Eksklusiv Laesens \*\* o finis olsem we i stap daon long pepa ia:
  - a) Olgeta non-finalist, bae Eksklusiv Laesens i finis long 31 Oktoba 2020 mo evri raet bae i go bak long filmmeka.
  - b) Long ol finalist, Eksklusiv Laesens bae i finis long 31 Disemba 2020 mo janis i go long Non-Eksklusiv Laesens kasem 30 Jun 2021.
20. Evri film I save kat smol jens lon em blong mitim or folem brodkasting riqwamens. Brodkast deit bae Namatan Short Film Festival Komiti nao bae i desaed long hem.



# Namatan Short Film Festival 2019

## OL TEMS MO KONDISENS

*\*Wan **Exklusiv Laesens** i minim se yu o eni memba blong pablik we i akt long bialf blong yu i no save iusum o salem film long taem blong wan stret period. Long period ia, Namatan Short Film Festival Komiti bae i save givim raet blong film blong yu long olgeta narafala film festival o exhibisen long internet o televisen (nogat narafala man o woman i save grantem sem raet ia long iuse blong film blong yu).*

*\*\*Wan **Non-Exklusiv laesens** i minim se Namatan Short Film Festival Komiti i save iusum mo givim raet long film blong yu olsem we i stap antap. Mo yu o eni memba blong pablik i save gat sem raet ia.*

**Digicel**



*Air Vanuatu*